



# FAN, TA'LIM VA AMALIYOT INTEGRATSIYASI

ISSN: 2181-1776(E) SJIF 2023: 6.907

Raximova Dilshoda  
Baxritdinovna

*Samarqand viloyati*

*pedagoglarni yangi metodikalarga o'rnatish milliy markazi*

*«Ijtimoiy – iqtisodiy fahlar metodikasi» kafedrasи f.f.nom, dosenti.*

## ***JAMIYAT MA'NAVIY DARAJASINI YUKSALTIRISHNI MATEMATIK MODELLASHTIRISH: IJTIMOIY FALSAFIY TAHLIL***

### **Annotasiya**

Maqolada muallif tomonidan jamiyat ma'naviy darajasini yuksak talab darajasiga ko'tarish muammolari atroflicha ko'rib chiqilgan bo'lib, jamiyatda ijtimoiy-falsafiy, ma'naviy darajasini yuksaltirishni matematik modellashtirish tahlil qilingan. Shuningdek maqolada jamiyat ma'naviy-axloqiy muhitini takomillashtirib borish tamoyillari tahlil qilinib, jamiyat ma'naviy-axloqiy rivojlantirish indikatorlari, paradigmalari va mexanizmlari asosida tadqiq etilgan.

Tayanch so'zlar: Matematik model, ma'naviyat, insonparvarlik, jamiyat, vatanparvarlik, ijtimoiy taraqqiyot, ma'naviy salohiyat, ma'rifat, indikatorlar.

Kirish. Bozor iqtisodiyoti sharoitida ijtimoiy-iqtisodiy jarayonlarni modellashtirish va prognozlashtirish - bu o'tmishni, hozirgi zamonning rivojlanish qonuniyatlari, tendensiyalariga asoslangan holatda kelajakni oldindan falsafiy bilish va istiqboldagi rivojlanish maqsadlarini va vazifalarini aniq o'tashdan iborat.

Modellashtirish mamlakat iqtisodiyotini boshqarish nazariyasi va amaliyotida katta ahamiyatga ega. Bu boshqaruv yechimlarini tanlashda asos bo'lib xizmat qiladi. Kelajak maqsadlariga erishish uchun hozirgi paytda iqtisodiy jarayonlarga ta'sir etish yo'llarini aniq o'taydi. Ijtimoiy hodisa va jarayon tabiatini aks ettiruvchi modellarni ishlab chiqish va qo'llash haqqoniy va asosli natijalarni olish imkonini



beradi. Tadqiqotlarning bosh maqsadi o'rganilayotgan jarayonni samarali va to'g'ri boshqarishga qaratilgan zaruriy chora-tadbirlarni ishlab chiqishdir. Turli darajadagi umumlashgan ma'lumotlar, nisbiy ko'rsatkichlar, indikatorlar, indekslar va boshqalar aynan shu maqsadga qaratilgandir. Bu o'rinda modellashtirish va bashorat qilish usullarini qo'llash alohida ahamiyatga egadir. Modellashtirish asosidagi bashorat qilish mutaxassislar uchun katta imkoniyatlarni vujudga keltiradi. Ma'naviy-ma'rifiy jarayonlarni ham aniq o'lchovi, indikatorlari, qiymati mavjud. Hozirgi vaqtda jamiyat ma'naviyatini yuksaltirish, mafkuraviy jarayonlarni o'lhash, baholash qo'shimcha statistik ko'rsatkichlar va indikatorlarni aniqlash usullariga muhtoj.

O'zbekiston Respublikasi ijtimoiy taraqqiyoti «milliy modeli» ning yadrosi sifatida namoyon bo'ladigan jamiyatning ma'naviy-axloqiy va madaniy rivojlanishini, o'zbek xalqining tarixi va davlatchiligini, ta'limning uzuksizligi va izchilligini, barkamol avlodni tarbiyalash masalalarini o'rganish mamlakatimiz ijtimoiy-falsafiy fanlarida barqaror tarzda tadqiq qilib kelinayapti. Shu bilan birgalikda muammoning matematik modellashtirish fani doirasida, nazariy va amaliy uyg'unlikda, ijtimoiy-falsafiy xususiyatdagi doktorlik dissertasiya tatqiqotlari hali yetarli darajada olib borilmaganligini alohida ta'kidlash lozim. Bugungi kunda fan va jamiyat taraqqiyotida matematik modellashtirish usuli ilmiy bilish usuli sifatida katta rol o'ynaydi. Modellashtirish deganda biz haqiqiy obyektning eng muhim bo'lgan birlamchi xususiyatlarini saqlab qolgan holda, uning nusxasini (modelini) yaratish va o'rganishni nazarda tutamiz. Hozirgi kunda bu ijtimoiy-falsafiy tadqiqotning eng samarali va eng ko'p ishlatiladigan usullaridan biri hisoblanadi. Bu "Matematik dunyo" tuzilmalari bilan "Eksperimental dunyo"ni muvaffaqiyatli tahlil qilish imkoniyati bilan izohlanadi. Matematik modellashtirish metodlari dastlab mexanika, fizikada boshlangan bo'lsa, bugungi kunda deyarli barcha tabbiyi va ko'plab gumanitar fanlarni qamrab olmoqda. Matematik modellashtirish kuzatilayotgan jarayonning alohida bosqichlarining o'ziga xos xususiyatlari haqida tasavvurga ega bo'lish, amaliy muammolarni hal qilishda qo'llash bo'yicha umumiy ko'nikmalarni rivojlantirishga yordam beradi. Bundan tashqari, matematik modellashtirish yuzaga keladigan masalalar va ularning yechimlari ko'rsatishga, bir sohasida yuz bergan hodisaning boshqa sohalarining rivojlanishiga qanday ta'sir qilishini aniqlashga imkon beradi. Haqiqiy obyektning xususiyatlari, tadqiq qilish masalalari, muammoni hal qilish vazifalari va ishonchliligi matematik modelning turiga bog'liq bo'ladi.

Matematik model - bu obyektning ekvivalenti bo'lib, uning matematik shakldagi eng muhim xususiyatlari matematik qonunlarda aks ettiriladi. Uning tarkibiy qismlari o'zaro bir-biriga bog'liq.

Matematik modelda modellashtirilayotgan obyektning tuzilishi aks ettirilib, unda obyekt tarkibiy qismlarining tadqiqot xususiyatlari va o'zaro aloqadorligi ifodalanadi. Model bilan nazariya o'zaro dialektik munosabatda bo'ladi. Model, kuzatish, tajriba, eksperimental ma'lumotlar bilan bir qatorda mavjud nazariyalarning rivojlanishi va yangi nazariyalar yaratishning asosini tashkil qiladi. Har bir ilmiy nazariya yangi model yaratish uchun asos bo'lib xizmat qiladi. Ya'ni, modellashtirish usulining bilish jarayonida yangi nazariyaning negizi, impulsi hisoblanadi. Ayrim



hollarda nazariya dastlab model ko‘rinishida vujudga kelib, ilk ishchi gipoteza rolini o‘ynaydi.

Mavzuga oid adabiyotlar tahlili. Yuqoridagilardan shu ma‘lumki matematik modellashtirish faoliyati ancha murakkab va ko‘p qirrali bo‘lib, ta ‘riflarning hyech biri uni to‘liq aks ettira olmaydi.

Matematik modellar ilmiy bilimlarning yaxlitligini namoyish etadi. Hozirgi bosqichda ular fanning umumiy tili bo‘lib, tabiat, jamiyat va ongda sodir bo‘layotgan hodisalarning mohiyatini chuqurroq anglashga imkon beradi. Matematik modellashtirish sohasida bo‘yicha A.N.Bogolyubov, A.B.Gorstko, V.S.Zarubin, P.Korobeinikov, A.D.Mishkis, G.I.Ruzavin, A.A.Samarskiy va boshqa olimlar ilmiy tadqiqotlar olib borishgan.

Jahon tajribasidan ma‘lumki, bugungi kunda insoniyat uchun me ‘yorda yashash sharti, ijtimoiy rivojlanish sur‘atini jadallashtirish, ijtimoiy muammolarni hal etishda mushtarak intellektual salohiyatni jalb etish, sosiol makonni boshqarishning innovation resurslaridan foydalanish, butun mamlakat bo‘ylab sosiol muvozanatga erishishdan iboratdir. Yevropa falsafasida hozirgi zamon jamiyatining ma‘naviy hayotidagi o‘zgarishlar dinamikasi bilan bog‘liq masalalarini o‘rganishda ko‘proq ma‘naviyat, ma‘rifat va axloq masalalariga ahamiyat bergen Z.Freyd, e.Fromm, G.Kyung, T.Parsons kabi olimlarning qarashlari ham muhim ahamiyatga ega. Ular tadqiqotlarida axloqshunoslik asoslari va hozirgi zamon axloqshunoslik muammolarini ilmiy va amaliy jihatdan hal qilish masalalari jamiyat ma‘naviy hayotidagi o‘zgarishlarning asosiy yo‘nalishlaridan biri sifatida o‘rganilgan[2].

A Bratko modellashtirishni tabbiy va sun‘iy tizimlar yordamida bevosita bilish metodi deb talqin etadi. Bu o‘rganilayotgan obyektga nisbatan ma‘lum munosabatda bo‘lib, bu haqida yangi tushunchalar berish imkoniyatiga ega. Modellashtirish aniq obyekt, shuningdek mavhum obyektlar, o‘rganilgan va o‘rganilmagan hodisalar ham bo‘lishi mumkin.[3]

Ijtimoiy-falsafiy tahlilini boshqaruv rolida, ma‘naviyat va axloqiy tarbiya masalalari, ta‘limning hamda ijtimoiy munosabatlarning shaxs ijtimoiylashuvidanagi o‘rni to‘g‘risidagi g‘oyalari O‘rtta Osiyo mutafakkirlaridan Imom al-Buxoriy, Abu Nasr Forobi, Abu Ali ibn Sino, Abdulholiq G‘ijduvoniy, Abu Rayhon Beruniy, Hoja Ahmad Yassaviy, Jaloliddin Davoni, Kaykovus, Najmiddin Kubro Xivaqiy, Bahouddin Naqshband, Husayn Voiz Koshifiy, Amir Temur, Alisher Navoiy, Jaloliddin Rumiy, Yusuf Xos Xojib, Imom G‘azzoliy asarlarida talqin qilingan bo‘lib, ularning asarlaridagi ijtimoiy nuqtai-nazar va qarashlarida o‘z aksini topgan. Jamiyatdagi ijtimoiy jarayonlarda ta‘lim-tarbiya sifatini oshirish orqali komil, yutuq ma‘naviyatli inson qiyofasini yaratish masalalarini muqaddas Qur‘oni karim va hadislardan foydalangan holda o‘rganishimiz kerak.

Mamlakatimiz taraqqiyotining Prezidentimiz Shavkat Mirziyoyev rahbarligida islohotlar olib borilayotgan hozirgi yangi bosqichida o‘zgarishlar va yangilanishlarning boshqa sohalar qatori, ma‘naviy taraqqiyot jarayonlariga ta‘sir ko‘rsatish dialektikasidagi o‘rni va ahamiyati yanada ortib bormoqda.

O‘zbekiston Respublikasi Prezidentining 2021 yil 26 martdagisi “Ma‘naviy-ma‘rifiy ishlar tizimini tubdan takomillashtirish chora-tadbirlari to‘g‘risida”gi, 2017



yil 30 iyuldagi “Ma‘naviy-ma‘rifiy ishlar samaradorligini oshirish va soha rivojini yangi bosqichga ko‘tarish to‘g‘risida”gi, 2020 yil 6 noyabrdagi “Ta‘lim-tarbiya tizimini yanada takomillashtirishga oid qo‘srimcha chora-tadbirlar to‘g‘risida”gi qaror va farmonlari bu borada muhim ahamiyat kasb etmoqdadir.

Asosiy qism. Jamiatning ma‘naviy hayoti, hajmiga ko‘ra, birmuncha kengroq tushuncha hisoblanadi. Ayni paytda, inson hayotining mazmuni, sifati yo‘naltirilganligi va har bir shaxsning insoniy qiyofasi bilan belgilangan qadriyatlar sohasiga mansub bo‘lgan birlashtiruvchi ma‘naviy-ruhiy mezonlar sirasiga kiritish mumkin. Bu borada ideallik va voqyelik nisbati muhim ahamiyatga ega bo‘lib, bu masalada maxsus tadqiqotlar olib borilmoqda[1]. Insonlar faoliyatining mezoni sifatida insonparvarlik, vatanparvarlik va millatparvarlik singari ma‘naviy-axloqiy ideal tushunchalar olinishi kerak. Jamiatning ma‘naviy darajasi shundagina talab darajasida bo‘ladi. Bu mezonlar odamlarning ruhiyati, o‘z-o‘zini anglash, adolatni qabohatdan, oqillikni johillikdan ajrata bilish qobiliyatini, zakovatli va ongli faoliyat ko‘rsatish malakasini shakllanishi uchun me’yor bo‘lib xizmat qiladi. Bu jamiat ma‘naviy darajasining regulyatorlari, tartibga soluvchilaridir. Insonparvarlik jamiatda ezgulik, saxovat va adolat sifatlarini, vatanparvarlik, bag‘rikenglik, kechirimlilik va fidoyilik fazilatlarini, millatparvarlik, mehr-oqibat, hurmat-ehtirom va or-nomuslilik xislatlarini tarkib toptiradi. Bular jamiat ma‘naviy darajasini yuksaltirib borish mezonlaridir. Jamiat ma‘naviy hayotini yuksaltirish omillarini matematik modellashtirish orqali qaysi omil qanday, qanchalik ta‘sir etishini korrelyasiya orqali aniqlash mumkin. Jamiat ma‘naviy-axloqiy muhitini takomillashtirib borish paradigmasi mavjud ehtiyojlarga asosan, shaxsni ma‘naviy-axloqiy tarbiyalash va jamiatni ma‘naviy darajasini yuksaltirib borishdan iborat.

Jamiatdagi har qanday o‘zgarish, islohatlarning natijalari kishilarning ma‘naviy-axloqiy fazilatlari bilan o‘lchanadi. Insonlardagi ma‘naviy-axloqiy fazilatlarni matematik tilda qo‘yidagicha ifodalaymiz: a1-ma’suliyatlilik, a2-insonparvarlik, a3-irodalilik... a10- imonlilik. Bu ma‘naviy-axloqiy fazilatlarni 10-ballik shkalada baholaymiz.  $A=a_1+a_2+a_3\dots+a_{10}$  A- bu insonlardagi ma‘naviy-axloqiy fazilatlarni indikatori deb nomlaymiz. Xuddi shuningdek insonlardagi salbiy xislatlarni ham ko‘rib chiqamiz:

$$\begin{array}{ccc} b1\text{-xudbinlik}; & b2\text{-vijdonsizlik}; & b3\text{-irodasizlik}\dots b10\text{-adolatsizlik}. \\ B=b1+b2+b3\dots+b10 & I=A-B \end{array}$$

I-bu insonning umumiyligi ma‘naviy indikatorlari deb nomlaymiz. Jamiat ma‘naviy darajasini yuksaltirish uchun A-ni maksimallashtirish, B-ni minimallashtirish kerak. Jamiatning ma‘naviy darajasini baholash, o‘lchashda qo‘yidagi funksiyani qo‘llash mumkin:

$$f=a_1*x_1+a_2*x_2+a_3*x_3\dots+a_{10}*x_{10}$$

Biz f-funksiyani ma‘lum bir shartlar ostida bo‘lganda maksimumini topishimiz kerak. Buning uchun matematik modellashtirishda chiziqli simpleks usulidan foydalanib topiladi.

Ijtimoiy jarayonlarni modellashtirishda korrelyasion va regression modellashtirish usullaridan ham foydalaniladi. Korrelyasion va regression modellashtirish usullari dinamik jarayonlarga nisbatan, ya’ni vaqt bo‘yicha



o'zgaruvchi jarayonlarga qo'llaniladi. Korrellyasion modellar o'rganilayotgan jarayonlar o'rtasida bog'lanish shakllarini o'rgansa, regression modellar yordamida ushbu jarayonlarning regression tenglamalarini olish mumkin.[4] Ijtimoiy jarayonlarni boshqarish uchun ishlataladigan eng oddiy matematik model bu ballar modelidir. Uning mohiyati quyidagicha: biron bir obyektni kuzataylik. X<sub>1</sub>, X<sub>2</sub> , ... , X<sub>n</sub> tanlangan obyektning berilgan t vaqtagi holatini va uning oldingi nazorat davri uchun faoliyati natijalarini tavsiflovchi miqdoriy ko'rsatkichlar to'plamidir. Bunday holda tanlangan obyektning umumiy reytingini quyidagi formula yordamida hisoblash mumkin:

$$R = _1X_1 + _2X_2 + \dots + _nX_n;$$

A.Sheyster individning ichki ma'naviy salohiyati va imkoniyatlarida madaniyatni qayta tiklashga yordam beradigan tayanchni, "Arximed richagi"ni ko'rasi: "Ommanning ma'naviy madaniyatga sherik qilish vaqt yetib keladi. Ko'pchilik odamlar o'z hayotlari haqida, yashash uchun kurashda o'zlar ni malarga erishmoqchi ekanligi haqida, shart-sharoit taqozosi bilan ularning oldida qanday qiyinchiliklar paydo bo'layotgani haqida, o'zlar ni malardan voz kechayotganlari haqida o'ylay boshlashlari kerak. Ularga ma'naviylik yetishmaydi, chunki ular ma'naviyat haqida noto'g'ri tushunchaga egalar. Ular fikrlashni unutib qo'ymoqdalar, chunki ularga oddiy o'zlar ni haqida fikrlash begona bo'lib qoldi. Bizning davrda ma'naviyat tafakkurga tegishli deb hisoblangan narsalar insonlar o'zlar uchun bevosita zarur deb bilgan narsalardan yiroq bo'lmoqda. Ammo insonlar hayotni e'zozlash tuyg'usiga berilsalar, fikrlay boshlaydilar va tafakkur barchaning manfaatlariga xizmat qila boshlaydi va ular barcha insonlarda namoyon bo'la boshlaydigan ma'naviyatga faol yondosha boshlaydilar. Hatto o'z insoniyligi uchun og'ir kurash olib borayotganlar ham o'zligini anglashga va ichki e'tiborlilikka yetib keladilar va shu yo'l bilan ilgari o'zlarida bo'lмаган куч-кунватга ега bo'la boshlaydilar [5].

Xulosa: Mamlakatimizda amalga oshirilayotgan islohatlar va bunyodkorlik ishlari natijasida xalqimizning tafakkuri, dunyoqarashi o'zgarmoqda.

Ijtimoiy taraqqiyotning inson manfaatlariiga mos bo'lishi uchun ma'naviy – axloqiy me'yorlar ustuvor bo'lishi kerak. Aks holda, texnokratik rivojlanish kelib chiqadi va unda inson manfaati ikkinchi darajali bo'lib qoladi. Ma'lumki, bugun dunyoda keskin kurash va raqobat, manfaatlar tuqnashuvi sodir bo'lmoqda. Globallashuv jarayonlari insoniyat uchun beqiyos yangi imkoniyatlar bilan birgalikda kutilmagan muammolarni ham keltirib chiqarmoqda. Milliy o'zlik va ma'naviy qadriyatlarga qarshi tahdid va xatarlar toboro ortmoqda. Ijtimoiy-ma'naviy muhitni ilmiy, asosli tahlil qilishb bugungi kun jamiyatining asosiy talablaridandir. Prezident Shavkat Mirziyoyev mamlakatimiz taqdiri va kelajagi uchun ushbu masalaning naqadar katta ahamiyatga ega ekanini nazarda tutib: "Agar jamiyat hayotining tanasi iqtisodiyot bo'lsa, uning joni va ruhi ma'naviyatdir. Biz yangi O'zbekistonni barpo etishga qaror qilgan ekanmiz, ikkita mustahkam ustunga tayanamiz. Birinchisi-bozor tamoyillariga asoslangan kuchli iqtisodiyot.

Ikkinchisi-ajdodlarimizning boy merosi va milliy qadriyatlarga asoslangan kuchli ma'naviyat" deya alohida ta'kidlangani bejiz emas.

O'zbekiston Respublikasi Prezidentining 2021 yil 26 martdag'i "Ma'naviy-ma'rifiy ishlari tizimini tubdan takomillashtirish chora-tadbirlari to'g'risida"gi PQ-



5040-sonli qarori mamlakatimizda ma’naviy-ma’rifiy ishlar ta’sirchanligini oshirish, ma’naviyat sohasidagi ichki va tashqi tahdidlarga qarshi samarali kurashish, davlat va jamoat tashkilotlarining bu boradagi faoliyatiga yaqindan ko‘maklashish maqsadida qabul qilingan.

Ma’naviy-ma’rifiy, g‘oyaviy-tarbiyaviy ishlarimizning pirovard maqsadini barkamol avlod, yuksak fazilatli inson shaxsi bilan bog‘lar ekanmiz, so‘zsiz o‘tmish milliy-ma’naviy merosimizni, boy ma’naviy qadriyatlarimizni tarbiyaviy faoliyatimizning zamin-poydevori deb bilamiz. Shunday ekan, ana shu boy meros sari keng yo‘l ochish, yoshlarimizning shu boylikdan foydalanish imkoniyatlarini yanada kengaytirish, undan oqilona foydalanish va ijodiy rivojlantirish qobilyatlarini tarbiyalash asosiy vazifalardandir.

### Foydalanilgan adabiyotlar :

- 1.Sattorova D.Ijtimoiy ideal va reallik evolyusiyasi //Jamiyat va boshqaru 2009.№4.B53-54
- 2.Freyd Z.Massovaya psixologiya i analiz chelovecheskogo “Ya”/M./ “Moskovskiy rabochiy”1990
- 3.Bratko A.A. Modelirovaniye psicheskoy deyatelnosti-M:Mysl,1969-384c
- 4.Aliqoriyev N,Mo‘minov N,Qayumov O‘,A’zamxo‘jayev I. Sosiologik tadqiqotlarda matematik modellashtirishni qo‘llash metodikasi:Toshkent-2011.B45-47
5. Shveyser A. Kultura i etika / A.Shveyser. Upadok i vozrojdeniye kultury: Izbrannoye. M., 1993. S. 500.